

傷寒論條辨

二

|     |
|-----|
| 十武9 |
| 233 |
| 4   |



門 竹 233  
卷 4



傷寒論條辨卷之二

欵人 方有執中行甫條辨

辨太陽病脈證并治中篇第一凡五十七條

太陽統攝之榮衛乃風寒始入之兩途寒則

傷榮故以營傷於寒而病者為中篇夫寒冬

令也秋末春初以間乎冬寒則有之他時雖

或暴變清冷大率不外本序之令氣耳終不

得入隆冬嚴寒之例以病言之必也證候顯

見如經始可謂為傷寒不可少有分毫違錯

脈陰陽俱緊者名曰傷寒

或未定之詞寒為陰陰不熱以其著人而客於人之陽經鬱而與陽爭爭則蒸而為熱已發熱者時之所至鬱爭而蒸也未發熱者始初之時鬱而未爭也必定然之詞惡寒見上篇然此以寒邪鬱榮故榮病而分見惡寒曰必者言發熱早晚不一而惡寒則必定即見也體痛者寒主

一太陽病或已發熱或未發熱必惡寒體痛嘔逆

於凡異說之紛紜者皆不為其所惑矣慎哉  
旨久久成熟一旦貫通則認病自然親切而

蓋經之所以條例各病對比而辨論者正為

與傷寒分別爭差也讀者極力反復精究其

旨久久成熟一旦貫通則認病自然親切而

堅凝而傷榮則榮實而強衛虛而弱矣榮強則血澀衛弱則氣滯故痛也嘔吐也逆俗謂惡心是也胃口畏寒而寒湧也陰謂關後陽謂關前俱緊三關通度而急疾寒性強勁而然也難經曰傷寒之脈陰陽俱盛而緊澀是也傷中如彼此兩相更互發明言太陽之為病中風固如彼矣若或有如此者則又是觸犯於寒而中之也然陰寒之襲人從榮而入榮血道也寒之所以從榮入者榮亦陰亦從類也猶龍虎之於風雲水火之於燥濕各以其類而相從之自然也此謂太陽分病之紀二乃此篇之小總下條乃申此而互言之詳其義以出其治餘皆此條之差分耳首尾脈絡綱領條目太端悉類上篇乃上篇之對待太陽之大三辨上篇一此其二已下凡首稱傷寒者則又皆指有此云云之謂也

二太陽病頭痛發熱身疼腰痛骨節疼痛惡風無

汗而喘者麻黃湯主之

麻黃湯方

麻黃 三兩  
去節

桂枝 二兩  
去皮

甘草 一兩  
炙

杏仁 七十箇  
湯浸去皮尖

右四味以水九升先煮麻黃減二升去上沫內諸藥煮取一升半去滓溫服八合覆取微似汗不須啜粥餘如桂枝法將息

此申上條而更互言之所以致其詳而出其治也頭痛已見太陽病而此猶出者以其專太陽而主始病也上條先言或已發熱或未發熱而此先言頭痛次言發熱者則是以其已發熱者

五

言也身疼腰痛骨節疼痛即上條之體痛而詳言之也上條言必惡寒而此言惡風者乃更互言之與上篇啻啻惡寒漸漸惡風雙關互文之意同無汗乃對上篇之有汗而言以見彼此兩相反所以為風寒之辨別不然無是證者則不言也然所以無汗者汗乃血之液血為榮榮強則腠理閉密雖熱汗不出也喘氣逆也衛主氣衛弱則氣乏逆呼吸不利而聲息所以不遂也然上條言喘而此言喘嘔與喘皆氣逆亦互言以明互見之意麻黃味苦而性溫力能發汗以散寒然桂枝湯中忌麻黃而麻黃湯中用桂枝何也曰麻黃者突陣擒敵之大將也桂枝者運籌帷幄之參軍也故委之以麻黃必勝之筭也監之以桂枝節制之妙也甘草和中而除熱杏人下氣而定喘惟麻黃有專功之能故不須啜粥之助

三傷寒一日太陽受之脈若靜者為不傳頗欲吐

若燥煩脈數急者為傳也

傷寒者以上二條互言者而言也下做此一日  
太陽受之太陽主表而屬外故外者先當也靜  
謂恬退而和平也緊退恬靜和平其為不傳而  
欲愈可診矣頗欲吐屬上言不甚待吐而不吐  
蓋嘔逆未全止也燥乾也數五六至已上  
也其主熱急躁疾也欲傳而加進可知也

四傷寒二三日陽明少陽證不見者為不傳也

見音現○上條舉太陽而以脈言此復舉陽明  
少陽而以證言次第及復互相發明也然不傳  
有二一則不傳而遂自愈一則不傳而猶或不  
解若陽明少陽雖不見太陽亦不解則始終太  
陽者有之餘經同推要皆以脈證所見為準  
若只朦朧拘拘數日以論經則去道遠矣

五脈浮者病在表可發汗宜麻黃湯

表太陽也傷寒脈本緊不緊而浮則邪見還表  
而欲散可知矣發拓而出之也麻黃湯者乘其  
欲散而拓出之之謂也○方見前

六脈浮而數者可發汗宜麻黃湯

浮與上同而此多數數者傷寒之欲傳也可發  
汗而宜麻黃湯者言乘寒邪有向表之浮當散  
其數而不令其至於傳也

七脈浮數者法當汗出而愈若下之身重心悸者

不可發汗當自汗出乃解所以然者人中脈微此  
裏虛須表裏實津液自和復自汗出愈

此承上條復以其治不如法因而致變者言曉  
人當加謹也身重下後陰虛而倦怠也悸屬心

心主血陰虛則血虛所以心不寧也蓋不當下而反下之故證變如此不可汗者禁勿重下津液以復損其陰也當自汗出乃解者言下雖反而病未甚變須待其津液回當得自汗而解也所以然者已下乃申釋上文之詞裏虛以區津液言須表裏實以待津液回邪還表言也

八傷寒發汗解半日許復煩脈浮數者可更發汗

宜桂枝湯主之 夏平聲

傷寒發汗者服麻黃湯以發之之謂也解散也復重復也既解而已過半日之久矣何事而復哉言發汗不如法汗後不謹重新又有所復中也蓋汗出過多則勝理反開護養不謹邪風又得易入所以新又煩熱而脈轉浮數故曰可更發汗更改也言當改前法故曰宜桂枝湯桂枝湯者中風解肌之法微哉旨也庸俗不省病加小愈之義不遵約制自肆粗下不喻汗法微似

之旨馳以太汗為務病致變矣反謂為邪不盡汗而又汗輒轉增劇卒致莫救不知悔寤噫讀書不喻旨趣括鑿矣學醫廢人命伊誰鑿邪傷哉

九發汗已脈浮數煩渴者五苓散主之

已言發汗畢非謂病罷也浮數煩與上同而此多渴渴者止津液而內燥裏證也以證有裏而人燥渴故用四苓以滋之以表在而脈浮數故憑一桂以和之謂五苓散能兩解表裏者此也

十傷寒汗出而渴者五苓散主之不渴者茯苓甘草湯主之

茯苓甘草湯方

茯苓 二兩

桂枝 二兩  
去皮

生薑 三兩  
切

甘艸 一兩

右四味以水四升煮取二升去滓分溫三服

傷寒不汗出汗者以發之而出者言也然則此條二節上節乃承上條而以其不煩者再言下節乃承上節而以其更不渴者又出也亦煩則熱較輕可知故治亦不殊不渴則內燥更減可識故但用四苓之一以潤之然裏證既輕則表為猶多可必故須桂枝之三以解之然則此湯之四物其桂枝五苓二方之變制歟

⑫傷寒汗出解之後胃中不和心下痞鞭乾噫食臭腸下有水氣腹中雷鳴下利者生薑瀉心湯主

生薑瀉心湯方

生薑 四兩

甘草 三兩

人參 三兩

乾薑 一兩

黃芩 三兩

半夏 半升

黃連 一兩

大棗 十二枚

右八味以水一斗煮取六升去滓再煎取三升溫

服一升日三服

噫影戒切○解謂大邪退散也胃為中土溫潤則和不和者汗後亡津液邪乍退散正未全復而尚弱也痞鞭伏飲搏膈也噫飽食息也食臭嘔氣也平人過飽傷食則噫食臭病人初瘥脾

胃尚弱，化輸未強，雖無過飽，猶之過飽而然也。水氣亦謂飲也。雷鳴者，脾為陰胃，為陽陰陽不和，薄動之聲也。下利者，惟陰陽之不和，則水穀不分清所以雜進而走注也。生薑大棗益胃而健脾，黃芩黃連清上而望下。半夏乾薑蠲飲以散痞，人參甘草益氣而和中。然則瀉心者，健其脾而脾輸益其胃，而胃化斯所以為瀉去其心下痞鞭之謂也。

①發汗病不解反惡寒者虛故也芍藥甘草附子湯主之

芍藥甘草附子湯方

芍藥 三兩

甘草 三兩

附子 一枚炮去皮破八片

已上三味以水五升煮取一升五合去滓分溫服

未汗而惡寒邪盛而表實，伏離之惡也。已汗而惡寒邪退而表虛，怯懦之惡也。益汗出之後大邪退散，榮氣衰微，衛氣疎慢，病雖未盡，解不他變而但惡寒，故曰虛言表氣新虛而非病變也。然榮者陰也，陰氣衰微，故用芍藥之酸以收之。衛者陽也，陽氣疎慢，故用附子之辛以固之。甘草甘平合榮衛而和諸之，乃國老之所長也。

②發汗後惡寒者虛故也不惡寒但熱者實也當

和胃氣與調胃承氣湯

上條乃略上條而復言所以起下文，而以其反者出也。不惡寒其人表氣強也，但熱以津液而胃中乾，故曰實也。當和胃氣以乾在胃而實也。故曰與調胃承氣湯。然湯以瀉實而甘草則和中益氣何也。益實成於虛也，所謂量鑿而正柄其斯之謂歟。○方見太陽下



④發汗後身疼痛脈沉遲者桂枝加芍藥生薑各一兩人參三兩新加湯主之

桂枝新加湯方

桂枝 三兩 去皮

芍藥 四兩

甘州 二兩 炙

人參 三兩

生薑 四兩 切

大棗 十二枚 擘

右六味以水一斗一升微火煮取三升去滓分溫服如桂枝法

發汗後身疼痛脈沉遲者邪氣驟去血氣暴虛也桂枝者和其榮衛不令暴虛易得重傷也加人參芍藥者收復其陰陽以益其虛也加生薑者健其作回之胃以安其穀也曰新加者得

非足一百一十三而成之謂邪微火皆當做效首方此蓋後人之贅耳

⑤發汗後不可更行桂枝湯汗出而喘無大熱者可與麻黃杏仁甘州石膏湯主之

麻黃杏仁甘州石膏湯方

麻黃 四兩 去節

杏仁 五十箇 去皮尖

甘草 二兩 炙

石膏 半斤 碎

右四味以水七升先煮麻黃減一升去上沫內諸藥煮取二升去滓溫服一升

更行猶言再用不可再用桂枝湯則是已經用過所以禁止也蓋傷寒當發汗不當用桂枝桂

枝固衛寒不得泄而氣轉上逆所以喘益甚也  
無太熱者鬱伏而不顯見也以傷寒之表猶在  
故用麻黃以發之杏仁下氣定喘甘草退熱和  
中本麻黃正治之佐使也石膏有微熱之功尤  
能助下喘之用故易桂枝以石膏為麻黃湯之  
變制而太陽傷寒誤汗轉喘之主治所以必四  
物者而後可行也

⑤發汗後飲水多者必喘以水灌之亦喘

喘屬肺肺屬金金性寒故曰形寒飲冷則傷肺  
汗後肺氣新虛易得重傷飲水飲冷也水灌則  
形寒肺傷矣其主氣所以皆喘也

⑥發汗過多其人叉手自冒心心下悸欲得按者  
桂枝甘草湯主之

桂枝甘草湯方

桂枝

四兩  
去皮

甘草

二兩  
炙

右二味以水三升煮取一升去滓頓服

汗多則血傷血傷則心虛心虛則動惕而悸故  
叉手自冒覆而欲得人按也桂枝走陰斂液宅  
心能固疎慢之表甘草緩脾和中益氣能調不  
足之陽然則二物之為方收陰補陽之為用也

⑦發汗後其人臍下悸者欲作奔豚茯苓桂枝甘  
草大棗湯主之

茯苓桂枝甘草大棗湯方

茯苓

半斤

桂枝

四兩  
去皮

甘草

二兩  
炙

大棗 十五枚

右四味以甘瀾水一斗先煮茯苓減一升內諸藥煮取三升去滓溫服一升日三服作甘瀾水法

取水二斗置大盆內以杓揚之水上珠于五六千顆相逐取用之

臍下悸者腎乘心汗後液虛欲上凌心而剋之故動惕於臍下也欲作待作未作之謂奔豚見上篇然水停心下則悸茯苓淡滲勝水能伐腎藏之溢邪桂枝走陰降腎能禦奔豚於未至甘草益氣能補汗後之陽虛大棗和土能制為邪之腎水甘瀾水者操之而使其性抵於純不令

其得以助黨而長禍也

①發汗後腹脹滿者厚朴生薑甘艸半夏人參湯主之

厚朴生薑甘艸半夏人參湯方

厚朴 半斤去皮炙 生薑 半斤切 半夏 半斤洗  
人參 一兩 甘艸 二兩炙

右五味以水一斗煮取三升去滓溫服一升日三服

汗後腹脹滿者胃中乾陽虛氣滯而伏飲停蓄也人參甘艸之甘益胃而滋乾生薑半夏之辛

蠲飲而散，滿然脹，非苦不泄，所以厚朴者，君四物而主治也。

③傷寒中風醫反下之，其人下利日數十行，穀不化，腹中雷鳴，心下痞鞅而滿，乾嘔心煩，不得安醫見心下痞，謂病不盡，復下之，其痞益甚，此非結熱，但以胃中虛客氣上逆，故使鞅也。甘艸瀉心湯主之。

甘艸瀉心湯方

|    |    |    |    |    |     |
|----|----|----|----|----|-----|
| 甘艸 | 四兩 | 黃芩 | 三兩 | 黃連 | 一兩  |
| 乾薑 | 三兩 | 半夏 | 半斤 | 大棗 | 十二枚 |
|    |    |    | 洗  |    | 擘   |

右六味以水一斗，煮取六升，去滓，再煎取三升，溫服一升，日三。

傷寒中風言傷寒與中風皆有此變證，大意與上篇第六十條同，醫反下之，至心下痞鞅而滿，大略與上篇第三十五條同，此多既誤而復誤，不得安已，上前誤成痞也，醫見至益甚，言復誤而痞加重也，此非結熱，至未乃原致痞之因，以出其治也，甘草大棗之甘益反下之虛，乾薑半夏之辛散上逆之滿，黃芩黃連之苦解邪熱之煩，然證大略與上篇第三十五條同，而方物有同，有異者，不用桂枝，以無表也，同用甘草乾薑，同為益虛而散鞅，也不用參朮惡益氣也，用大棗取滋乾也，以既誤復誤而痞益甚，故用芩連以為乾薑之反佐，協同半夏以主散，此其所以有異同之分焉。



不同傷寒病初之表當發故用麻黃湯此以汗後之表當解故曰宜桂枝湯言與中風之表同當解肌而固衛也○桂枝湯方見上篇攻痞方說見下篇

③傷寒醫下之續得下利清穀不止身疼痛者急

當救裏後身疼痛清便自調者急當救表救裏宜

四逆湯救表宜桂枝湯

清穀不止身疼痛者下後胃傷裏虛寒甚飲食不腐化而水穀不分止津液而骨屬不利也救護也利甚身疼痛而急當救護其裏者下後裏虛為重也清便自調言小便清而大便調也小便清大便調裏氣和矣裏氣和而身疼痛者衛不外固而不與榮和也急當救護其表者不令重虛之表又易得重傷也救裏宜四逆湯者復陽而收陰也救表宜桂枝湯者固衛以和榮也

此救表救裏之所以各有其急也○

四逆湯方見下篇桂枝湯方同上

④傷寒發汗若吐若下解後心下痞鞭噫氣不除

者旋復代赭石湯主之

旋復代赭石湯方

旋復花 三兩 人參 二兩 生薑 五兩

代赭石 一兩 半夏 半升 洗 甘艸 三兩 炙

大棗 十二枚 擘

右七味以水一斗煮取六升去滓再煎取三升溫

服一升日三服

解謂大邪已散也。心下痞鞅，噫氣不除者，正氣未復，胃氣尚弱，而伏飲為逆也。旋復半夏蠲飲，以消痞鞅。人參甘州養正，以益新虛。代赭以鎮墜其意氣。薑棗以調和其脾胃。然則七物者，養正散飲邪之要用也。

⑤傷寒八九日下之，胃滿煩驚，小便不利，讖語，一身盡重，不可轉側者，柴胡加龍骨牡蠣湯主之。

柴胡 四兩 半夏 二合 龍骨 一兩半  
 牡蠣 一兩半 人參 一兩半 茯苓 一兩半  
 鉛丹 一兩半 桂枝 一兩半 生薑 一兩半  
煨 一兩半 洗 二合 去皮 一兩半 切

右十一味以水八升，煮取四升，內大黃切如碁子，更煮一二沸，去滓，溫服一升。

胃滿者，下後裏虛，外熱入裏，挾飲而上，搏於膈，所以煩也。驚，屬心。心藏神而居膈，正虛邪勝，所以不寧也。一身盡重，不可轉側者，傷寒本一身疼痛，心津液而血澀不利，故變沉滯而重甚也。夫以心虛則驚也，故用人參茯苓之甘淡入心，以益其虛。龍骨牡蠣鉛丹之重澀斂心，以鎮其驚。半夏辛溫以散胃膈之滿，柴胡苦寒以除鬱熱之煩。心津液而小便不利，參苓足以潤之。胃中燥而讖語，薑棗有以調也。滿在膈中，半夏開之。非大黃不能滌重，在一身人參滋之。非桂枝不能和然，是證也。雖無三陽之明文而於此是湯也。總三陽以和之，之治可徵也。

傷寒條辨 卷二 十四  
⑥下後不可更行桂枝湯若汗出而喘無大熱者  
可與麻黃杏仁甘草石膏湯主之

前第十五條發汗後不可更行桂枝湯云云與此止差下字餘皆同夫以汗下不同而治同者汗與下雖殊其為反誤而致變喘則一惟其喘一所以同歸於一治也然以上篇第四十條誤汗變喘用桂枝厚朴杏仁湯而觀之則此汗下後不可更用桂枝湯可知矣通考則義全

⑦傷寒下後心煩腹滿臥起不安者梔子厚朴湯

主之

梔子厚朴湯方 八升黃連四升芍藥四升大黃四升

梔子 十四枚  
厚朴 四兩  
枳實 四兩湯浸去穰炒

已上三味以水三升半煮取一升半去滓分三服  
溫進一服得吐止後服

凡下而致變者皆誤也心煩者外邪入裏搏膈而鬱悶也腹滿者虛邪壅胃膨脹而不散也臥屬陰腹滿者陰滯也起屬陽心煩者陽鬱也所以皆不安寧也梔子苦寒快湧心胃之煩厚朴枳實主泄胃腹之滿所以三物者能安誤下後之不能安也

⑧傷寒醫以丸藥大下之身熱不去微煩者梔子

乾薑湯主之

梔子乾薑湯方

梔子 十四枚  
乾薑 二兩

傷寒條辨 卷二 十五



右二味以水三升半煮取一升半去滓分二服溫進一服得吐者止後服

丸藥誤用不惟病變而且毒遺誤於大下不獨  
亡陰而陽亦損所以身熱不去而微煩也  
酸苦湧內熱而除煩乾薑辛熱散遺毒  
而益氣吐能散滯辛能復陽此之謂也

⑤傷寒五六日大下之後身熱不去心中結痛者

未欲解也梔子豉湯主之

梔子豉湯方

梔子十四枚

香豉四合

右二味以水四升先煮梔子得一升半內豉煮取

一升半去滓分為二服溫進一服得吐者止後服

此條結痛比上條微煩則較重一證而爭差分  
也前以差輕故散之以乾薑此以差重故解之  
以香豉蓋香豉能生傷寒寒熱惡毒煩  
燥滿悶然則二條者大同小異之分也

③發汗若下之而煩熱胃中空者梔子豉湯主之

此條亦與上同室者邪熱壅滯而室塞未至於  
痛而比痛較輕也心居胃膈所以同為一治

③發汗吐下後虛煩不得眠若劇者必反覆顛倒

心中懊憹梔子豉湯主之

虛煩不得眠者大邪乍退正氣暴虛餘熱悶亂  
胃中乾而不和也劇極也反覆顛倒心中懊憹  
者胃膈壅滯不得舒快也所以用  
梔子豉高者因而越之之法也

若少氣者，梔子甘艸豉湯主之。若嘔者，梔子生薑豉湯主之。

梔子甘艸豉湯方

於梔子豉湯方內加入甘艸二兩餘，依前法得吐止後服。

梔子生薑豉湯

於梔子豉湯方內加入生薑五兩餘，依前法得吐止後服。

少氣者氣傷也，故加甘草以益之。嘔者氣逆也，故加生薑以散之。

凡用梔子湯，病人舊微溇者，不可與服之。

梔子酸苦大寒，而湧泄，病人舊微溇者，裏氣本虛，而藏府寒也。裏氣虛則易湧，藏府寒則易泄，故揭斥禁止如此。

下之後復發汗，必振寒，脈微細，所以然者，以內外俱虛故也。

內謂反下則亡陰而裏虛，所以脈微細也。外謂復汗則亡陽而表虛，所以振寒也。

下之後復發汗，晝日煩躁不得眠，夜而安靜，不嘔不渴，無表證，脈沉微，身無大熱者，乾薑附子湯主之。

乾薑附子湯方

乾薑 一兩

附子 一枚 去皮 生用 破八片

右二味以水三升煮取一升去滓頓服

及下以陰陰既虛矣又復發汗以止其陽則陽之虛比之陰為尤甚然陽用事於晝熱之煩陽之亢也躁雖陰陽之擾也不得眠者陽不能勝陰而爭奪於陰也陰用事於夜安靜者無陽事也不嘔不渴無表證脈沉微身無大熱則陽太虛不足以勝陰為諦矣故用乾薑附子偏於辛熱以為湯者恢復重虛之陽而求以協和於偏勝之陰也

⑤傷寒若吐若下後心下逆滿氣上衝胃起則頭眩脈沉緊發汗則動經身為振振搖者茯苓桂枝

白朮甘艸湯主之

茯苓桂枝白朮甘艸湯方

茯苓 四兩

桂枝 三兩 去皮

白朮 二兩

甘艸 二兩 炙

右四味以水六升煮取三升去滓分溫三服

心下逆滿伏飲上溢搏實於膈也氣上衝胃寒邪上湧挾飲為逆也動經傷動經脈振振奮動也蓋人之經脈賴津液以滋養飲之為飲津液類也靜則為養動則為病病宜制勝之不宜發汗既吐下後脈又沉緊而復發汗則重上津液氣血衰耗故變如此水與茯苓勝濕導飲桂枝甘草固表和中故發汗動經所需者四物也

傷寒吐下後發汗虛煩脈甚微八九日心下痞  
鞭脇下痛氣上衝咽喉眩冒經脈動惕者久而成  
痿

此申上條而復言失於不治則致廢之意上條  
脈沉緊以未發汗言也此條脈甚微以已發汗  
言也經脈動即動經之變文惕即振振搖也太  
抵兩相更互發明之詞久言既經八九日若猶  
不得解而更失於不治則津液內亡濕滯外漬  
必致痺而成痿痿者兩足痿軟而不相及也

太陽傷寒者加溫鍼必驚也

溫鍼者鍼用必先燒溫以去其寒性也驚者心  
有所動而惶懼也蓋心乃神之舍故謂心藏神  
榮氣通於心故榮與心皆主血寒邪傷於榮鬱  
而蒸熱矣溫鍼以攻寒火之性大熱血得熱則

耗耗則虛血虛則心虛心虛則舍空舍空則  
神無所依而氣浮越於外故失守而驚惶也  
傷寒一二日心中悸而煩者小建中湯主之

小建中湯方

- 桂枝 三兩 去皮
- 芍藥 六兩
- 生薑 三兩 切
- 芎藭 六兩
- 膠飴 一升
- 大棗 十二枚 擘
- 甘州 二兩 炙

右六味以水七升煮取三升去滓內膠飴更上微  
火消解溫服一升日三服嘔家不可用建中湯以  
甜故也

二三日當傳之時不傳不變但心中悸而煩者  
邪雖衰微正亦虛弱不足以退散之所以煩也

小建中者桂枝湯倍芍藥而加膠飴也桂枝湯扶陽而固衛衛固則榮和倍芍藥者酸以收陰陰收則陽歸附也加膠飴者甘以潤土土潤則萬物生也建定法也定法惟中不偏不黨王道蕩蕩其斯之謂乎

傷寒脈結代心動悸炙甘草湯主之

炙甘草湯方

甘草 四兩

生薑 三兩

桂枝 三兩

麥門冬 半斤

麻子人 半升

大棗 十二枚

人參 二兩

地黃 一斤

阿膠 二兩

右九味以清酒七升水八升先煮八味取三升去

萍內膠烱消盡溫服一升日三服一名復脈湯

脈結代而心動悸者虛多實少譬如寇欲退散主弱不能遣發而反自彷徨也人參甘艸麥冬益虛以復結代之脈地黃阿膠麻人生血以寧動悸之心桂枝和榮衛以救實薑棗健脾胃以調中清酒為長血氣之助復脈乃該實義之名然則是湯也必欲使虛者加進而馴至於實則實者自退散而還復於元之意也○本條結代下文又無代而有代陰中間疑漏代一節

脈按之來緩而時一止復來者名曰結又脈來動而中止更來小數中有還者反動名曰結陰也脈來動而中止不能自還因而復動名曰代陰也得此脈者必難治結陰也下當

此承結代而推言結陰代陰以各皆詳辨其狀與辨脈下第四章意同

①傷寒八九日風濕相搏身體疼痛不能自轉側不嘔不渴脈浮虛而澀者與桂枝附子湯主之

桂枝附子湯方

桂枝 四兩 去皮

甘草 三兩 炙

附子 三枚炮去生薑 三兩 切

大棗 十二枚 擘

右五味以水六升煮取二升去滓分溫三服

風濕相搏見上篇以此得之寒因故身體疼痛不能自轉側者濕重著也浮風也虛則汗後之不足澀濕也與上篇小異而大同桂枝附子湯者即上篇之甘草附子湯以薑

棗易木之變制也去木者以寒本無汗不似風之自汗而濕多也用薑棗者以寒屬陰不如風陽之能食也然去彼取此雖少殊而其所以為散風除濕則均耳

若其人大便鞭小便利者去桂枝加白朮湯主

之脈經末句湯名無白字

桂枝附子去桂枝加白朮湯方

於桂枝附子湯方內去桂枝加朮三兩餘依前

法

大便鞭裏實矣故去桂枝惡其主表而不和裏也小便自利濕勝也故加朮以其益土而能燥減舊闕今補

四 太陽病項背強几几無汗惡風者葛根湯主之  
葛根湯方

葛根 四兩

麻黃 三兩  
去節

桂枝 二兩  
去皮

芍藥 二兩

甘草 二兩  
炙

生薑 三兩  
切

大棗 十二枚

右七味以水一斗先煮麻黃葛根減二升去沫內諸藥煮取三升去滓溫服一升覆取微似汗不須啜粥餘如桂枝法將息及禁忌

太陽病項背強几几與上篇同者風寒過太陽之榮衛初交陽明之經絡經絡同所以風寒皆

然也無汗者以起自傷寒故汗不出乃上篇不汗之反對風寒之辨別也惡風乃惡寒之互文風寒皆通惡而不偏有無也夫以太陽中風項背強几几汗出惡風用桂枝加葛根而論之則此太陽傷寒項背強几几無汗惡風當用麻黃加葛根而用葛根湯者何哉蓋几几乃加陽明之時喘已不作故去杏仁不用麻黃湯之全方不可以麻黃加為名而用麻黃桂枝甘草葛根以為湯者實則是麻黃加之規制也用薑棗芍藥者以陽明屬胃胃為中宮薑棗皆和中之物芍藥有緩中之義也不須啜粥麻黃類例也

四 太陽與陽明合病喘而胃滿者不可下麻黃湯

主之

合病見上篇肺主氣氣逆則喘喘甚則肺脹胃滿者肺脹也胃乃陽明之部分喘乃太陽傷寒

之本病以喘不除甚而至於胃滿故曰合病然  
 肺不屬太陽陽明而太陽陽明合病之傷寒病  
 全在肺何也曰肺為五藏之華蓋內受諸經百  
 脈之朝會其藏金其性寒和湊於榮肺以寒  
 召寒類應故也不可下者喘來自太陽之初滿  
 惟在胃不在胃也夫麻黃湯者主治太陽傷寒  
 之初病有陽明何以獨從太陽之主治也曰麻  
 黃固善於散寒其功尤能瀉肺家之實滿杏人  
 惟其利於下氣故其效則更長於定喘桂枝雖  
 佐其實有綱維之妙甘草雖使其才有和緩之  
 高是故但於太陽表之治  
 行則陽明胃之功自奏矣

三 太陽與陽明合病者必自下利葛根湯主之

必定然之詞自謂自然而然也蓋太陽者胸臆  
 也膀胱主水陽明者胃經也胃主穀寒為陰陰  
 氣主下降故傷寒無他故自然而然下利者太  
 陽陽明合病經中之邪熱甚胃氣弱不化穀不

分清雜進而走注所以謂之必也以必定自必  
 而然下利故但用葛根湯散經中之寒邪而以  
 不治治利以不治治利者麻黃散太陽之表葛  
 根解陽明之肌桂枝主榮衛之和薑棗健脾胃  
 之弱甘州者和中之國老為藥者緩中而佐使  
 夫如是而經中之邪散則胃中之正回而不分清  
 者自分清不顯治者而治在其中矣噫王者不  
 治夷狄而夷狄治聖人無為而無不為所謂仁  
 之盡義之至吾於是乎重有感焉彼以煦煦為  
 仁子子為義竊聖人之王道以亂名實者謂不  
 自欺以欺人公孫龍  
 不能為之說也悲哉

四 二陽併病太陽初得病時發其汗汗先出不徹

因轉屬陽明續自微汗出不惡寒若太陽病證不  
 罷者不可下下之為逆如此可小發汗設面色緣



緣正赤者陽氣怫鬱在表當解之熏之若發汗不  
徹不足言陽氣怫鬱不得越當汗不汗其人躁煩  
不知痛處乍在腹中乍在四肢按之不可得其人  
短氣但坐以汗出不徹故也更發汗則愈何以知  
汗出不徹以脈澀故知也

轉與傳同見第五問○併病見上篇太陽初得  
病時至不惡寒是原致併之因若太陽證不能  
至解之熏之是言治之次第若發汗不徹至  
未是反復申上文之詳徹除也去也不徹言汗  
發不如法病不除去也越散也言怫鬱不散也  
澀為血虛血虛者汗出過多也所以轉陽明也  
⑤傷寒六七日結胸熱實脈沉緊心下痛按之石

較者大陷胃湯主之

沉為裏緊為寒結胸故心下痛熱  
實故石鞅方見上篇蓋證同也

④小結胸病正在心下按之則痛脈浮滑者小陷

胃湯主之

小陷胃湯方

黃連一兩

半夏半升

栝蘆實一枚

右三味以水六升先煮栝蘆取三升去滓內諸藥  
煮取二升去滓分溫三服

正在心下言不似大結胸之高而在上也按之  
則痛言此不按亦痛則較輕也浮則淺於沉滑

則緩於緊此結胃之所以有大小之分也黃連苦寒以泄熱也半夏辛溫以散結也枯藁實苦而潤苦以益苦則致熱於易泄為可知潤以濟辛則散結於無難開可必所謂有兼人之勇而居上功者惟此物為然也

④傷寒十餘日熱結在裏復往來寒熱者與大柴胡湯但結胃無太熱者此為水結在胃脇也但頭微汗出者大陷胃湯主之

水即飲也以不實鞭故曰水結胃脇亦裏也以熱結不高故曰在裏此條兩節上節以往來寒熱故用大柴胡湯下節以水結無太熱故用大陷胃湯然熱結與水結胃脇與裏皆互詞大同小異皆下法也二方俱見上篇

④太陽與少陽合病自下利者與黃芩湯若嘔者黃芩加半夏生薑湯主之

黃芩湯方

黃芩 三兩

甘州 二兩

芍藥 二兩

大棗 十二枚

右四味以水一斗煮取三升去滓溫服一升日再夜一服

黃芩加半夏生薑湯方

於黃芩湯方內加半夏半升生薑二兩餘依黃

苓湯法

陽明開太少而中居太少病陽明獨能逃其中乎是故芍藥利太陽膀胱而去水緩中黃芩除少陽寒熱而主腸胃不利大棗益胃甘草和中是則四物之為湯非合三家而和調一氣乎然氣一也下奪則利上逆則嘔半夏逐水散逆生薑嘔家聖藥加所當加無如二物

傷寒六七日發熱微惡寒支節煩疼微嘔心下

支結外證未去者柴胡加桂枝湯主之

柴胡加桂枝湯方

- 柴胡 四兩
- 桂枝 一兩半
- 人參 一兩半
- 甘草 炙 一兩
- 半夏 二合半
- 黃芩 一兩半

- 芍藥 一兩半
- 生薑 一兩半
- 大棗 六枚

右九味以水七升煮取三升去滓分溫服

支節四肢百節也支結言支飲搏聚而結也發熱至微嘔太陽之表也故曰外證未去以微而未去也故加桂枝以解之支結屬少陽以結則難開也故用柴胡為主治然則是證也雖無太少之明文而於太少之治以究之則亦因藥可以知病矣

傷寒四五日身熱惡風頸項強脇下滿手足溫而渴者小柴胡湯主之

身熱惡風太陽表也頸項強有陽明也脇下滿少陽也然則三陽俱見病矣手足溫而渴者邪濇半表半裏而裏證見也夫以三陽俱見病而獨從少陽之小柴胡以為治者太陽陽明之邪

微少陽近裏而裏證見故從少陽一於和而三善則皆得也

⑤傷寒陽脈澀陰脈弦法當腹中急痛者先與小建中湯不差者與小柴胡湯主之

陽主氣澀主痛陰主血弦主急投以小建中者求之於益陰而和陽也不差則不對可知矣小柴胡者少陽之主治也益少陽屬木其脈弦木盛則土受制故澀而急痛也然則是治也者伐木以救土之謂也

⑥傷寒五六日已發汗而復下之胃脘滿微結小便不利渴而不嘔但頭汗出往來寒熱心煩者此為未解也柴胡桂枝乾薑湯主之

柴胡桂枝乾薑湯方

柴胡 半斤

桂枝 三兩

乾薑 三兩

枳實 四兩

黃芩 三兩

牡蠣 三兩

甘草 二兩

右七味以水一斗二升煮取六升去滓再煎取三升溫服一升日三服初服微煩後服汗出便愈

胃大陽陽明也脇少陽也小便不利太陽之腑眩不清也曷而不嘔陽明之胃熱而氣不逆也頭汗出者三陽之邪熱甚於上而氣不下行也往來寒熱心煩者少陽半表半裏之邪出入不常也柴胡黃芩主除往來之寒熱桂枝甘草和解未罷之表邪牡蠣乾薑鹹以與其結卒以散

其滿枯萎根者苦以滋其渴涼以微其熱是湯也亦三陽平解之一法也

⑤ 太陽病十日以去脈浮細而嗜臥者外解已也

設胃滿脇痛者與小柴胡湯脈但浮者與麻黃湯

脈浮細而嗜臥者大邪已退血氣乍虛而肢體倦怠也胃滿脇痛則少陽未除故與小柴胡以和之脈但浮則和還表故與麻黃湯以發之

⑥ 傷寒十三日胃腸滿而嘔日晡所發潮熱已而

微利此本柴胡證下之而不得利今反利者知醫

以丸藥下之非其治也潮熱者實也先宜小柴胡

湯以解外後以柴胡加芒硝湯主之

柴胡加芒硝湯方

於小柴胡湯方內加芒硝六兩餘依小柴胡湯

法

十三日過經也不解壞例也非其治也已上乃原其壞由於醫之誤已下至末救誤之治也然微利矣加芒硝以復下之者丸之為丸大率辛熱物雖快攻下下者藥也熱以益熱熱結反實而不出故須鹹以與之也

⑦ 傷寒五六日嘔而發熱者柴胡湯證具而以他

藥下之柴胡證仍在者復與柴胡湯此雖已下之

不為逆必蒸蒸而振卻發熱汗出而解若心下滿

而較痛者此為結胃也大陷胃湯主之但滿而不痛者此為痞柴胡不中與之宜半夏瀉心湯

半夏瀉心湯方

半夏 半升

黃芩 三兩

人參 三兩

黃連 一兩

乾薑 三兩

大棗 十二枚

甘艸 三兩

右七味以水一斗煮取六升去滓再煎取三升溫服一升日三服

此條上節與上篇第六十三條互相發明蓋風寒至少陽證治無差殊故更互為文而互言之

以見彼此皆然也若心下滿已下二節乃復言其變以出其治結胃乃其變之重者以其重而結於胃故從大陷胃湯痞則其變之輕者以其輕而痞於心故用半夏瀉心湯半夏乾薑辛以散虛滿之痞黃芩黃連苦以泄心膈之熱人參甘艸以益下後之虛大棗甘溫潤以滋脾胃於健日瀉心者言滿在心膈而不在胃也

本以下之故心下痞與瀉心湯痞不解其人渴而口燥煩小便利者五苓散主之

寫心陽者本所以治虛熱之氣痞也治痞而痞不解則非氣聚之痞可知矣渴而口燥煩小便利者津液澀而不行伏飲停而疑聚內熱甚而水結也五苓散者潤津液而滋燥渴導水飲而瀉結熱所以又得為消痞滿之一治也

婦人傷寒發熱經水適來晝日明了暮則譫語如見鬼狀者此為熱入血室無犯胃氣及上二焦必自愈

無與母通。○此與上篇末三條文少異而證同。上篇言脈與如結胃狀此言晝日明了暮則譫語。上篇言刺期門及與小柴胡湯此言無犯胃氣及上二焦皆互言以明互見之意。晝屬陽明了者陰邪退也暮屬陰譫語者血證得陰而劇也。母者禁止之詞犯胃氣以禁下言也。上二焦謂上焦中焦以禁汗吐言也。蓋衛氣出上焦津液蓄於中焦汗則損衛氣而止津液是汗則犯二焦也。又上焦主受納中焦主受盛吐則納與盛俱為逆是吐則上中二焦亦俱犯也。然下固損胃下焦犯矣。是三法皆不可用也。三法皆不可用者邪本在血室亦非三者攻之所可能及。

也必自愈者言伺其經行血下則邪熱得以隨血而俱出猶之紅汗而然故決言必定自解而愈以警人勿妄攻取致謬誤以生變亂之意。夫以三法既皆不可用則與其欲治寧刺期門及與小柴胡湯而法在焉。即此條之必自愈而觀之則上篇之期門雖不刺小柴胡湯雖不行亦皆得終當自愈從可知矣。且上篇出三條而此篇一條下篇雖無出要皆欲人同推也。讀者通考而參詳之則男子婦人風寒為病證治之異同大端可見矣。

傷寒論條辨卷之二終

傷寒之病，始於外感。其初起之時，必先見於太陽。太陽受邪，則身熱惡寒，頭痛身痛，脈浮。此為太陽病。若邪氣入於少陽，則寒熱往來，胸脅苦滿，脈弦。此為少陽病。若邪氣入於陽明，則身大熱，口乾，煩渴，脈洪。此為陽明病。若邪氣入於太陰，則腹脹，身重，脈濡。此為太陰病。若邪氣入於少陰，則脈微細，身大熱，反欲得近衣者，死。此為少陰病。若邪氣入於厥陰，則脈微，手足厥寒，此為厥陰病。此六經之病也。



